

度

支

奏

議

度支奏議目錄

新餉司四卷

議停南部新厰并山西鼓鑄疏

題覆陝西派發截留新舊邊餉疏

題覆遼餉襍項完欠額數疏

題覆永江改題道設餉司疏

題覆樞輔開銷賞功銀兩疏

題覆總漕津糧輪撥疏

覆餉院條議六款疏

題覆禁止私鑄私販疏

題叅書辦周之文詳加鞠訊疏

題議東江措設新舊餉銀疏

題請奸書周之文再勅法司鞠訊疏

題覆巡青查叅溷允雜糧疏

題覆關門預儲本色糧料疏

度支奏議卷之四

太子少保戶部尚書淄青畢自嚴視草

議停南部新厰并山西鼓鑄疏

題爲鑄局復開鑄本當復謹請開鈔稅銀以濟鼓鑄以佐新餉事專理新餉山東清吏司案呈崇禎二年三月二十四日奉本部送准南京戶部咨前事內稱

國計匱拙議者欲廣鼓鑄以濟軍需然鑄必需銅鑄而銅鉛又必需鑄本本厚則息饒及查先年

本原係事例并三關稅銀向因停鑄之後事
例已經題留南部充餉三關稅鈔又歸銅差庫
銅此外並無解北餉兩近銅差雖已歸并南部
而各關稅鈔向由充爲銅本者又見督部題令
各關照舊買銅徑解則銅差之本亦無着也如
事權不一綜核未便而諸關稅鈔須盡解北則
兩差卽應并裁總求有益於軍需似難久滋夫
築室若夫

制錢應請之式銅差未清之局悉聽議定酌發等因

到部送司又奉本部送准山西巡撫耿如杞會同巡按山西監察御史祝徽咨稱鑄錢以銅爲本銅賤則鑄廣鑄廣則息多山西地不產銅買於陝西但價昂路遠銅本所費甚多委官易買又稱賠累及至鑄成銅錢以六十五文筭銀一錢計息尚微民間百文尚不肯使委屬窒碍難行除太汾二府錢息銀兩委官同知呂希尚通判時崇古各造冊呈解布政司轉解戶部交納外惟有太原府局下剩窩鉛一萬一千三百六

餘斤青鉛八十五斤有零欲變原價勢難
能據議給散標太二營鴈門等三關以爲提
火炮鉛子之需誠爲便計其山西委難鼓鑄煩
爲具題停罷剩鉛准令給散各營火炮鉛子之
用等因到部送司案呈到部除北局鑄本照督
臣議暫留臨清等四關額銀選爐頭充買許墅
等三關徑解南部主事畢生輝募商督運俟銅
鉛充足合併歸南外該臣等看得南部新廠鼓
鑄已於天啓五年停罷矣蓋南北異宜鑄錢鑄

北多不能行罷之誠是也後該錢法侍郎靳於
中題查省直鑄息奉有南戶部所欠銅本刻期
解進省直撫按各將鑄息多寡查明

奏報應否停止核實具奏之

旨因而通行查覈隨准南部咨稱新廠鑄本一十三
萬一千九百四十兩零得息銀八萬四千二百
三兩有奇比各省直爲獨盈於

國計不無少補等因又該陝西湖廣雲南密鎮俱
稱本少息饒應准開鑄山東浙江江西福建廣

河南息微錢阻俱行停罷該臣部署印信
王家楨於崇禎元年四月內查照省直原咨應
開應罷題奉

欽依訖惟山西一省則因回咨未至行止未定至元
年九月內臺臣姜兆張條議兵食疏內有增鼓
鑄一欸臣部遵奉確議之

旨該司簡查舊案將原准開鑄省直覆令各報鑄息
蓋欲省直自措鑄本不煩臣部設處可濟軍需
之急耳今南部以鑄本無着咨令臣部議處無

米索炊南部固難措手第買銅一事弊竇多端
南戶有一舊廠鑄錢自用又欲立一新廠爲北
鑄錢不過銅商爐頭相與競刀錐之利爲囊橐
之謀耳於

國計未必有當也若南北鑄局并行措本頭緒益
紛稽查匪易與其滋混淆以飽奸商之腹似不
若將南部新廠仍舊已之爲便也臣部前此
原未倡言議復今政不妨轉圜議罷也至於山
西鼓鑄據稱銅貴利少所鑄之錢民不樂用更

雖強之使行并應停止其局內原剩窩鉛姑聽
爲火砲鉛子之用既經咨會前來相應具題恭
候

命下臣部行文南京戶部并山西撫按遵照停止施
行

崇禎二年四月初三日具

題本月初六日奉

聖旨利權不宜混雜恐姦弊難稽停止南部新廠及
山西省鼓鑄俱如議行欽此

題覆陝西派發截留新舊邊餉疏

題爲臣鄉盜賊猖獗日甚殺戮極慘謹合詞控陳

懇祈

聖明軫念邊疆議發軍餉以收然眉事專理新餉山

東清吏司案呈崇禎二年三月二十九日奉本

部送戶科抄出總督倉場戶部等衙門右侍郎

等官南居益等題前事等因本年三月二十五

日奉

聖旨該部速議具覆欽此欽遵抄出到部仍奉堂批

餉司會同邊餉司速覆奉此該本司看得
中需餉急若燃眉新舊通融勢不容緩但新
截去二十萬開門卽少二十萬日奉堂諭議
淮浙鹽課照數扣補以贍開門則西鎮獲
之益東關無缺額之虞緩急相成允爲兩便
其餘十萬或發自庫貯或姑俟外解統希覆
示以便具題等因移付邊餉司查議去後隨
准該司回稱秦中兵荒盜獗接應難緩已
經鄉紳食議准留借加派二十萬本部見
發十萬俱應照數

留借給發其留借新餉銀兩舊餉於鹽課事例
內補還等因付覆過司相應具題案呈到部該
臣等看得遼餉係三韓續命之膏一鎰一銖額
不容少矧三秦道理匪遙年來亦每藉以應急
截留一事譚何容易第今機卒狂呼窮民響應
西安一帶城市幾虛如此光景若不稍離伍之
軍給待哺之餉雖欲撲滅而無從也臣忝任民
部而忍坐視已乎又臣同官侍郎南居益偕諸
鄉紳桑梓憂深封疆念切合詞叩

開情錄得已據議留該省元二年分邊餉二十萬
請京庫發銀十萬兩共奏三十萬以解倒懸其
截留遼餉卽於京運應發延寧固三鎮年例銀
內照數扣補關門夫東西俱

朝廷疆土新舊總額派金錢通融旣足弭變緩急自
當相成合如諸臣議將該省元年分未完加派
銀五萬二千三百二十四兩三錢九分三厘二
毫二年分應解加派銀扣留一十四萬七千六
百七十五兩六錢六厘八毫以足二十萬之數

以充三鎮之餉其關門額餉又刻不容緩卽於
兩淮崇禎元年秋課銀內扣解一十萬兩兩浙
二年春課銀四萬兩事例銀內六萬兩如數補
還并令鹽臣刻期另文起解以贍關門之急則
一轉那間在三秦得就近接濟在三韓得扣抵
無虧是一舉兩得之計也其留借二十萬派分
延綏十萬寧夏四萬固原五萬下馬關一萬據
議再發年例十萬臣今已派發延鎮二萬五千
兩寧夏一萬五千兩固原一萬兩刻日起解餘

糧庫貯外解陸續再發延綏二萬寧夏一萬固
原一萬下馬關一萬務於四月通完以救燃眉
以安秦隴再照該省元年舊欠加派銀五萬二
千三百二十四兩三錢九分三厘二毫二年該
銀二十六萬三千六百三十一兩四錢六分五
厘新舊共該銀三十一萬五千九百五十五兩
八錢五分八厘二毫內除截留二十萬并工部
近派分餉四萬兩外尚該銀七萬五千九百五
十五兩八錢五分八厘二毫當於麥秋以後如

數催解以應關門急需不容再行延緩者也既
經具題前來相應覆

請恭候

命下臣部移文該省布政司併兩淮巡鹽御史及鹽
運司一體遵奉施行

崇禎二年四月初八日具

題本月十一日奉

聖旨欽此

題復遼餉雜項完欠額數疏

題爲奉

旨叅奏事專理新餉山東清吏司案呈崇禎二年四月初三日奉本部送戶科抄出戶科都給事中解學龍等題前事內開該本科給事中汪始亨於崇禎元年十月二十四日具疏將天下財賦合盤打算以酌出入之平以濟九邊之急內稱新餉歷年外欠至一百五十餘萬雜項天啓七年并崇禎元年外欠至二百餘萬如勒限守催

催到十分之五便可接濟目前宜責成該
直布政使司自奏回話奉

聖旨邊餉嚴催外解已有屢旨雜項新餉已徵在案
更宜速完所欠若干布政司自奏回話年終完不
及半者從重降處東江兵旣查有的數餉亦量減
如何先發三十六萬著行山東撫臣嚴查速奏
易等處額餉何以天啓元年視萬曆末年增至八
十餘萬順保二撫臣嚴查速奏殿工

陵工借口効勞冒濫營選的吏工二部會同查汰該

衙門知道欽此於本年三月二十二日廣西布政使司左布政使鄭茂華爲遵

旨回奏事奉

聖旨這回奏新餉雜項知道了廣西遠在南服鄭茂華回奏已到近省布政司如何多未遵奉該科叅看來說欽此叅看得餉置兵譁處處告警乃民完官欠在在相仍如新餉外欠至一百五十萬雜項欠至二百餘萬業奉

明旨勒限該省布政使司自奏回話不啻三令五申

吏部咨移會屈指五個月矣及查本年二月初二日具本自奏新餉雜項兩款俱完者廣西左布政使鄭茂華也於元年十二月二十六日先廣西而自奏報完者山西左布政使唐嗣美也又查有本年二月內自奏回話一揭雖係准戶部條陳原奉之

旨不係給事中臣始亨疏中所奉之

旨然總爲新餉雜項具奏完欠數目則有巡撫鳳陽等處僉都御史李待問也此外各省布政使司

俱不見有回

奏將謂途遙則粵西已到曾何解於

明旨卽借口數多然半完免降早已奉有前

旨總之因循怠緩年復一年積弊滋蠹日甚一日或

甲完而抵乙欠有司功過俱淆以此項移被銷

簿内存除俱亂又或州縣已輸而司府逼邇下

代上罰以何耳或解委侵欺而里巷追捕民代

吏賠以奚忍於是稽延遲奏祇圖苟且支吾臣

等憤心玩愒擬俟三月季終程量叅劾適捧

嚴旨不啻飲冰除三省已回

奏外凡各省布政使司掌印官并兩直各屬知府
立法之始創懲固自有漸然遲報之罪寬假本
自無門所當住俸勒令回

奏近者限以四月內稍遠者限以五月內極遠者
限以六月內如夏季終仍有稽延不報容臣等
叅奏候

旨降處伏乞

勅下戶部急覆施行又臣始亨前疏中有昌平易州

延綬等鎮天啓元年視萬曆末年餉額增至七
八十萬其當年所以議增之故與今日應否減
汰奉

旨順保二撫臣回奏亦未見有奏本或久失其籍或
轄非其地臣不能知然亦當具本

奏繳以信

明旨至於

毀工

陵工冒濫冠帶希圖營選者奉

旨吏工兩部澄汰近雖間有汰去然猾胥宿穴原籍
穴蠹刪除無幾亦不見有具覆本章統祈

天語申飭以肅吏治以靜鑛營者也等因本年四月

初二日奉

聖旨這新餉雜項完欠數目奏到三處其未到各省
掌印布政兩直知府姑着先行住俸勒限回奏過
期叅處冒易延鎮應裁增餉工程應汰冒濫冠帶
俱着遵旨奏繳不得再延該部知道欽此欽遵抄
出到部送司案呈到部除事隸吏工二部聽察

部自行具奏外該臣等看得雜項遼餉所以補加派之不足倘照欵責實依期起解裨益良多而無如在外之泄泄也科臣汪始亨留心

國計軫念榆關請將天啓七年崇禎元年未完者急催十分之五以救燃眉而責成于布政司之回話蓋謂事關入

言自不敢怠緩後時亦不敢空言塞責乃時逾數月具疏報完者止廣西布政使鄭茂華山西布政使唐嗣美具報完欠數目止鳳陽巡撫李待問

此外俱不見回奏其間遲緩之因科臣解縷縷備陳業已洞若觀火雖立法伊始創懲有漸而稽遲時日亦自難寬令如科臣議除三省直已回

奏外將各省布政使司掌印官并兩直各屬知府先行住俸近者限四月內稍遠者限五月內極遠者限六月內勒令分割年分明開天啓七年分雜項已未完若干崇禎元年分雜項已未完若干通行回

奏備夏季終仍有稽延不報者聽科臣叅奏降處
庶章奏不致違限而雜項可資緩急矣又查得
臣於去歲九月題爲遼餉不敷濟急無奇懇祈
聖明申飭務覈雜項新餉實數并求清覈虛冒實着
以資飽騰以垂永賴事奉

聖旨這奏新餉雜項九款額數未確的你部便移文
各撫按督率有司詳細查覈限三月以裏具實造
冊奏報府州縣上年免覲及雜支公費銀一并查
報欽此欽遵除督撫軍餉撫按公費鈔關稅銀另

行申飭催解外其餘各款屬有司者刑定冊式
頒發省直矣今亦未見回

奏聞亦有草草造冊投送臣部了事者然已奉有
奏報之

旨何能含糊結局也雖臣疏所

請在確定額數科臣汪始亨所題在回報完欠然總
屬雜項錢糧原非兩事所當行令各布政司一
起回

奏以期畫一旣免瑣瑣瀆

尊且覺省直奉行簡易矣至於昌易等鎮餉額增加
原奉

旨順保二撫臣回

奏并應行催

奏繳既經叅題前來相應覆

請恭候

命下臣部移文各該衙門遵奉施行

崇禎二年四月初八日具

題本月十一日奉

聖旨這奏報遼餉襍項完欠司府掌印官依擬住
勒限如夏終不報該科叅來降處其酌定雜項額
數都着遵前旨奏報不得以造冊投部塞責該衙
門知道欽此

題覆東江改運道設餉司疏

題爲策畫東江事宜並清內地隱患以控強胡以
收全勝事專理新餉山東清吏司案呈崇禎二
年正月初八日奉本部送戶科抄出督師尚書
袁崇煥題前事內稱東江所以設鎮者爲奴賊
也遼土也爲文龍者宜日遠登日近寧兩軍及
蚤相見則牽制而犄角俱成以臣愚見不若仍
登萊之海禁令登協嚴查而東江錢糧器用俱
從關門起運主覺華島登舟臣豈不知登萊近

於覺華然臣不日復右屯將漸以東今水兵
面絡繹海面直項及旅順以盡舟師之用文龍
何不就遼岸爲基鎮江一帶儘可生活老營既
定舟師挨次而前與覺華之舟師接信則遼地
未復而遼海全通檣帆如織夷必駭目驚心卽
未必全神以注寧得不分力而防牽制情形離
此便假一鎮之鈔糧向聽文龍自便而不設文
言稽查非

祖制文職錢糧武職兵馬之意他日銷筭時甚爲鎮

臣不便仍爲東江設一餉司每歲數十萬之出入不少俟東平另議存擬卽運糧料俱繇靜海灤樂以及覺華必經臣衙門掛號始許往東自茲一禁不許一船私自往來卽往東官船不許泊近南岸登萊自協營水兵之外不許一舟出海違者不拘官船民船俱以賊論如此海之北雖兵戈未偃而南岸已覺其肅清東江之師昔無用而今有用昔遠用而今近用昔虛用而今實用昔爲關寧作牽制今則與關寧合力於是

海若不驚而東人休息大功以成一舉而諸利
備臣芻蕘之忠未卜有當於大計否伏乞

睿覽

勅下該部議覆如果臣言不謬申嚴海禁爲東江置
一餉司以便稽查轉運叮嚀毛文龍來與臣酌
定官職兵馬錢糧及進取事宜臣俱未敢擅便
等因崇禎元年十二月二十八日奉

聖旨毛文龍孤軍海外向苦接濟不前卿旣悉心籌
畫勵志減奴從此料理步步向東文龍照應步

向西進取方規面加商議果確有勝着朕何靳百萬之餉文龍但矢圖實効勿顧浮言卿亦宜推誠共濟務收成績登萊申嚴海禁及設餉司轉運該部速行酌妥具覆欽此欽遵抄出到部送司已經呈堂咨行天津部院并山東撫院查議去後又奉本部送准兵部咨同前事內開該本部題奉聖旨海禁防倭原係

祖制着山東撫臣行登萊道臣嚴加禁約除舊日開洋者驗明放回以後一切市販船隻不許私通違

者按法治罪貢道餉道該部確議速覆欽此相應
移會等因又准天津部院崔爾進咨同前事內
據天津道石聲諸呈稱備會督餉司道會議去
後今准回覆到道該本道看得鮮運改行北岸
繇覺華島轉而之東江較之舊時海道倍遙則
船戶之腳價所宜按程遞加如與關糧一體止
交卸在覺華島則腳價每石亦應照關運例給
二錢二分五厘矣比往年鮮運水腳每石給四
錢一分者反省一錢八分五厘若從此而運至

大凌河更用加給二分五厘至旅順加給二錢
至皮島又應加二錢共計六錢五分目今發運
伊邇交卸信地不可不預請派定水腳則例亦
不可不先期酌加等因備呈部院該本部院看
得海運止南北二道南道禁止往來已該兵部
覆題奉有

明旨朝鮮貢道又經禮部奉

欽依改從覺華案則津糧自當從北道而往而運官
船戶請相違價大抵指皮島而言也夫使北往

皮島固宜加價如司道所議之數矣然恭釋

明旨云文龍照應步步向西進取方規面加商議則

遵奉而來而糧米交卸之地近覺華卽運價減

留覺華卽運價又減俱當如司道所議之數近

該督師議設餉司暫駐劄寧遠覺華催餉存貯

於此若餉司駐劄寧遠覺華之議與津米收貯

之議一定則價之增減亦定矣至於先送樣米

并數目文冊差官投批掛號俱屬便策等因又

准吏部咨爲保留司道添設餉司事內開

部覆督師尚書袁崇煥題議戶部陝西司主事
宋勵加陞戶部山東清吏司署郎中事主事
理東江餉司事務覆奉

欽依移咨請

前并給關防等因到部通送到司案查先該平遼總
兵毛文龍奏爲謹遵

明旨回話銷筭歷年糧餉事奉

聖旨毛文龍銷筭糧餉數目知道了該部卽與看覆
吳宗武等原奉訊官速行勘問具奏該部知道欽

此欽遵抄出到部送司覆查案呈到部該臣等
看得海禁旣嚴鮮運固應易道第風濤浩渺之
鄉稍差咫尺便隔險夷臣不敢以臆決也截漕
米隸在津部召貢米隸在東撫臣特備咨商確
據津部行司道會議以改行北岸水程倍遙船
戶艱價宜按程遞加時訕而增價似於臣部不
便然禁海以復

祖制弭倭警關係有大於增價者矣臣不敢執也况
文龍奉有

明旨令其步步向西寧惟足踏實地易建奇勲且島
師漸與西近則運事亦近安知異日脚價不按
程遞減止在督帥仰體

宸綸推誠共濟文龍亦毅然返棹鼓昔年鎮江之餘
勇以彰捷伐以明犄角庶數年牽制之謀非虛
語耳合如督師議將津運糧料俱繇靜海灤樂
以及覺華俟督師與新設東江餉司面酌如何
掛號如何轉運以爲定規目下運價姑照題定
數目給發津門將糧料徑解覺華聽督師酌定

交卸遠近仍將運價增減之數咨會臣部以備
銷筭可也至於鮮運新定歲額天津該運截漕
米八萬石山東該運召買米八萬八千石前此
關運常抵覺華爲津門熟路固易易事卽東省
之八萬八千舊歲業已多運過七萬七千六百
四十九石抵作二年額數今歲止運米一萬三
千五十一石便可結局亦自匪難時日甚迫司
運者蚤宜料理臣是以不及待東撫回咨至而
亟爲具覆亦知東撫之必無異同也若夫折色

額餉題定二十四萬五千二百兩元年分尚欠
六萬一千二百兩據東撫咨稱係未奉改解以
先之數已經就便發運二年分臣部已移文東
省盡數解部以便發運開門聽督師與新設餉
司酌妥轉解當不致一旅之嗷嗷也改運之議
初起司餉實難其人今督師業已遴定主事宋
獻克副厥任吏部亦已題陞署郎中事主事職
銜身蹈危疆轉餉艱苦合俟一年差滿照例優
擢以酬其勞查天啓七年曾設東江餉司鑄有

關防因前差議裁關防撤還禮部合移文取給
無煩另鑄仍應移文翰林院請撰管理東江本
折兵餉

勅書一道兵部給與應用夫馬勘合以便過往受事
又查得東江兵餉從崇禎元年起遵照題定新
額解發天啓七年以前所運發者舉

朝猶以冒濫有遺議焉該鎮曾差官蔡承薰朱良
佐或稱清筭舊帳或請補領南北官俸糧衆論
方主裁新該鎮反言補舊恐義所不敢出也臣

皆劄令歸去昨文龍于本年正月內賁有文冊
到部開銷歷年錢糧呈稱積年商價銀二百零
七萬九千有奇請照數轉奏補解出海補還各
商以清夙負臣一見之不勝駭然復簡舊歲十
二月內文龍謹遵

明旨回話銷筭歷年糧餉事一疏詳閱又無是語令
人不解其意豈歷年島餉錢糧有取給于東省
而東省拖延未解者耶然爲數豈至若是之多
也容臣再行該省徹底清筭以結殘局雖不經

之語原不應上渥

天聽然既爲東江改運道爲改運道設餉司凡屬東江前後事務皆不得不拈出說明也既經督師具題且各咨會前來相應覆

請恭候

命下臣部移文各該衙門遵奉施行

崇禎二年四月十三日具

題本月十七日奉

聖旨是欽此

題覆樞輔開銷賞功銀兩疏

題爲遵

旨回奏事專理新餉山東清吏司案呈崇禎二年三月十四日奉本部送戶科抄出督師尚書袁崇煥題前事等因本年三月初十日奉

聖旨這賞功銀兩查核欵項果確樞輔孫承宗心跡可明該部再加詳覈具覆欽此又該巡按直隸監察御史方大任題同前事奉

聖旨該部再加詳覈具覆欽此欽遵抄出到部送司

案查先該南京兵科給事中錢允鯨奏爲
務有實着制虜要圖萬全懇祈

大奮乾斷嚴虛冒慎邊道以責成功事等因奉

聖旨奏內論守論屯論恢復計慮擘畫具有實着慎
選道臣尤爲本論道臣正身率下誰敢侵冒說得
是閻鳴泰等已有旨分別處究孫承宗偏任貪將
致壞東事本當議處所惜國體姑不深究賞功銀
三十萬兩作何開銷着據實回奏該部知道欽此
欽遵通行在案除慎選道臣等欸聽吏部酌量

論守屯恢復備咨督師酌行外所有賞功銀兩
案查先該原任樞輔孫承宗奏爲

皇賞開銷實數等事奉

聖旨覽奏賞功銀兩收支數目知道了還着督師并
關按御史覈實具奏該部知道確字錯寫改正行
欽此欽遵奉行間今該督師并巡關御史查核
明白回

奏前來相應併覆案呈到部該臣等看得軍興旁
午糜費多端查覈錢糧正不妨於過密惟細問

之經手之人力索其支銷之款自有不容毫髮
滑者舊樞輔孫承宗回奏

皇賞開銷一節臣部遵奉

明旨備行督師并關按御史覈實去後今據督師袁
崇煥會同御史方大任陳睿謨奏稱樞輔在任
時兩次

頒發賞功銀二十萬覈其出數先次解到十萬兩給
發有營伍支領有員役開銷有款件登計有簿
籍反覆較勘歷歷分明後次解到銀十萬兩天

津部院借買草束動銀二萬兩督師衙門併撫
院犒賞出關官兵共二千四百八十六兩零八
分又海運廳繳還犒賞銀二十一兩九錢實共
剩存庫銀七萬七千五百三十五兩八錢二分
係徑畧高第及督師王之臣先後接管以克兵
餉賞功買豆製器修船等項之用支銷冊籍見
在則賞功銀實實止二十萬經樞輔支用者實
實止十二萬二千有奇勘實而顛末益明事久
而議論益定樞輔心跡已經

帝鑒無容微臣贊一辭矣臣部遵

旨詳覈無異謹據實奏

聞仰祈

勅下臣部移文各該衙門將賞功銀二十萬准與開

銷施行

崇禎二年四月十五日具

題本月十七日奉

聖旨這賞功銀兩該部既覆覈無異准與開銷欽此

題覆總漕津糧輪撥疏

題爲津糧輪撥速進真是良策謹推廣原疏美意
以共圖萬全事專理新餉山東清吏司案呈崇
禎二年二月二十九日奉本部送戶科抄出督
餉御史錢士貴題前事內開據遼餉道張志芳
呈稱奉臣憲牌准戶部咨該總督漕運侍郎李
待問題稱津糧於各總衛分預爲派定某年某
幫坐撥津糧另編幫牌責其越幫前進刻期交
卸卽得遄回乘時修艤坐爲下年抵壩首幫逐

幫輪換通漕通撥等因該本部覆奉

聖旨是欽此欽遵備行到道該本道查得遼餉所恃者帶運漕糧累年題截首幫咨請往來屢致停舟今蒙總漕題議坐撥另編越行到津真畫一良法但坐派幫次必先酌議蓋運期清明開洋重陽之前便宜停運頭運將凍糧坐掣二運卽坐派首幫尤虞接濟之難况關寧催運愈急萬一接濟不及干係天下安危卽以京庾缺乏爲慮亦當以六分坐撥首幫四分更求幫次之在

前者始濟急需若非首幫儻以中幫及在後者
議撥必至悞運等因該臣看得節年截漕俱係
首幫况今歲與元年不同省直隣近俱以旱荒
減派廬鳳等府又遠難猝至所望止此帶運卽
不敢全望首幫亦當如道臣議以六分坐撥首
幫四分更求幫次之在前者若中幫則恐悞運
期尾幫則恐凍阻不得不先期一言也至於越
幫前進更爲急着而漕舟間多攔阻若得督臣
先期明諭官旗或委一賢能府佐押其後攢運

越幫先進更爲萬全等因本年二月二十六日
奉

聖旨據李待問前奏津糧輪撥速進這奏又恐坐撥
後幫有悞關運亦是蚤慮所請前後四六分撥及
專官押運責成漕撫該部作速覆議來說欽此又
該天津部院崔爾進題同前事奉

聖旨已有旨了該部知道欽此又該直隸巡按監察
御史宋師襄題爲津門之截漕未定運官之觀
望日遲特請

明旨以專責成以速回空事等因奉

聖旨截糧著倉場衙門卽行坐撥以速回空未到漕
舡亟催抵關其今歲津糧李待問一奏坐撥出
幫錢士貴奏四六分撥該部速議畫一具奏總
不得虧損漕額該衙門知道欽此欽遵通抄到
部送司已經呈堂咨會總督倉場侍郎酌議去
後隨准總督倉場侍郎南居益咨稱

國儲空匱根本堪虞頻年漕艘之稽滯全因截留
之見妨巖關之軍興雖重

京都之命脉豈輕相提而論數猶不勝也夫天下
事凡勢處其極則宜思通其變而失之末流東
當反其源本夫漕糧自漕糧遼糧自遼糧原不
相侵也惟以漕帶遼而漕病又以遼截漕而倉
病可不亟爲之所乎另爲一幫庶乎各得其分
總漕之議洵有見也而該道之慮其遲輓也不
又有越幫前進之說在乎總之二運同馳彼中
既兼挈其重而分幫並進當事宜悉畫其長是
在總漕之亟爲圖度以自副其籌

國之良而已矣等因咨覆到部送司又准本部雲南司付爲銀庫報羨之規宜革藩司報欠之弊宜清

國體賦法兩有攸關仰祈飭法剔弊事內稱奉本部送准總漕部院咨該戶科給事中鍾炆題前事疏開欲示公道無如掣籤等因奉

聖旨庫銀報羨查係何年規例以憑議革外解完欠藩司查叅不明有司何以懲勸着嚴行申飭津門掣籤截漕聽餉部酌議行該部知道欽此欽遵移

咨到院該本部院看得自有海運以來迄無
法而通漕各幫不能沾輪截之惠因是謬議預
先坐撥輪流派截昭示均平業已覆奉

俞旨矣茲該戶垣鍾掌科題議掣籤皆從急公起見
裨益遲漕然猶有贅焉頃聞天津淺淤空艘尚
膠而復載之舟不能抵關未免起糴露囤爲今
日計切恐剥運水脚不貲何如以今歲應截之
數准以回糧截抵今歲首幫盡驅之以入京倉
省剥費而速海運計似甚便等因移付通司案

呈到部該臣等看得津門截漕一事盤剝耗費
官旗實有所省是以逗遛觀望希截者多此總
督漕臣李待問所以有坐撥編幫之議也然津
運清明開洋重陽便止倘坐撥在中後之間則
運事必悞此天津餉道張志芳所以有前後四
六分撥之議而督餉御史錢士貴會同天津部
院崔爾進爲之合辭以

請也臣隨咨行總督倉場南居益確議去後今准回
咨前來大約以漕糧自漕糧遼糧自遼糧另爲

一幫爲便確與巡倉御史宋師襄遼糧漕糧分
爲二項之說相符諸臣或急京庾或急遼運總
之各循職掌爲

國家起見然而緩急互劑相持而未始不相成也
臣忝司計京庾遼運皆臣職掌竊繹總漕創議
坐撥而繫之以越幫前進其深意在坐撥以杜
諸弊而非吝首幫也餉院與津部從餉道議請
帶運漕糧以六分坐撥首幫四分坐撥幫次之
在前者其深慮在撥幫居後恐一時越進不前

而非阻坐撥也謹平心而酌之惟另幫坐撥使人
資緣無所容徼倖無所覬爲不易良法但今
歲召買遼糧鄰近省直皆以荒旱減派廬鳳等
府遠難猝至關寧救急止此帶運倘坐幫居後
萬艘鱗集一時難以越次關係封疆不小是在
總漕權宜坐撥寧前無後仍如餉院議先期明
諭官旗讓行再委一賢能府佐押令越幫前進
交卸庶京庾遼運兩無所碍而從前之弊實悉
清坐撥之良法可久矣臣草疏具覆間復接總

漕一咨內云天津迤北河水淺澁未免起糧露
頓遄發回空爲今日計切恐剝運水脚煩費不
貲何如以今歲應截之數准以囤糧截抵而今
歲首幫源源而來者盡驅之以入京倉省剝貲
而速海運計似甚便等因于此見總漕之心籌
畫無所不周第倉院疏稱以元年凍阻之漕糧
作二年帶運之遼餉一歲兩截明爲應急救危
之著實是剗心鑿眼之計娓娓言之備極京倉
之苦况今春截業已足額倉庾方匱積貯幾空

若津門再蚤留一石則京通便短少一石根本
何所恃而緩急何所賴乎臣又何敢復爲截留
露囤之說也且方議坐掣亦未便卽爲更端總
漕果念遼急第于發運時坐定前幫備截使無
臨時越進之艱且遼官押運刻期前進而三驛
受福已多矣旣各具題并咨會前來相應覆

請恭候

命下臣部移文各該衙門遵奉施行

崇禎二年四月十七日具

題本月二十一日奉

聖旨是津糧既履議畫一着總漕坐撥前幫專官運
運刻期前進更不得爭改悞事該衙門知道欽此

覆餉院條議六款疏

題爲邊餉會議欲廣其所本無新餉原額應還其所固有仰乞

聖明特嚴不可寬之法以濟不容緩之需事專理新餉山東清吏司案呈崇禎二年四月十四日奉本部送戶科抄出督餉御史錢士貴題前事等因本年四月十一日奉

聖旨新餉督催屢奉嚴旨拖欠最甚的錢士貴不待類奏卽指名叅來奏內條議六款再與着實申飭

該部知道欽此欽遵抄出到部送司案呈到部
臣等看得新舊兩餉均屬匱乏皆臣職掌臣疏
請會議議舊餉而不議新餉非謂新可緩也蓋以新
餉屢經會議不患數目不多第患責成不實但
得省直諸臣遵奉

明旨將雜項各款認定數目臣部便可滿盤打算合
出入而準其平且查舊餉會議中亦有與新餉
款項相同者臣擬待議單俱到一一摘入新餉
另疏奏

聞以贍三韓之用以無負舉

朝借箸之思乃督餉御史錢士貴職掌相關先臣
入

告就餉臣所臚列者詳繹之綜覈最周立法可久設
誠力行守而勿失可以始終遼事無憂匱乏也
謹恪遵

明旨將餉臣條議六款申明具覆嗟夫遼左苦於兵
連議餉幾於舌敝催科一事屢厯

天語叮嚀臣部文移不啻汗牛充棟而在外竟以故

紙視之如目下各鎮月餉關寧三月尚未解
密永等處勉強止完正月外解丹或不至饑
定致脫巾卽壘粉臣身亦復何益普天之下誰
非臣子而貽

皇上以宵旰之憂非所以事

君父也邊臣防兵譁甚於虜臣部度一日甚於年而
省直漠不動念非所以濟同舟也昔日止行查
叅此後且共功罪利害將及已而猶然悠忽從
事恐亦非諸臣所以自爲計也事急矣餉臣所

謂封疆之事

朝廷之法願省直諸臣熟思之也伏乞

嚴勅各該衙門遵照條款事理着實舉行

計開

一曰立循環以覈考成

前件看得循環簿之設使完欠了然叅罰
給繇據簿爲準是極簡易極清楚之法也
容臣刊成冊式分發省直照餉臣議先列
布政司總數次列各府總數每府後繫以

各州縣原派額數凡遇起解處處照式填註布政司用印固封付解委官赴餉臣衙門掛號齎部對同收銀倒換冊內仍用臣部印信鈐縫以防扣換倘有將未解錢糧填作已完及解官不齎循環簿者除留批不發外臣部移會餉臣徑提該布政司吏書以那移出納治罪有司錢糧未完布政司妄行起送給繇者聽餉臣特疏糾叅直隸州縣循環簿費成於該府庶人心無所

微倖而奸胥不敢那移此簿明白可省許多文移可清許多弊竇况給繇叅罰關係匪輕倘視爲套數草草塞責顛倒舛錯自貽後悔臣部不任受過也伏候

申飭

一曰定期以程勤玩

前件看得加派銀兩每於上年冬題

准預徵十分之三以爲次年春月用法至一也及細訊省直未有不預徵者而起解獨不肯先

春初延緩悠悠忽忽及夏秋嚴督新舊
催反有訝臣部爲不情者皆積欠因仍所
致也合而餉臣議照有司催徵例以全額
拆爲十分以十分拆爲十限省直每月務
解十分之一今歲至六月定要解完六分
不如限者聽餉臣照例截叅查布政司之
欠多者重加降處蓋今歲多一閏月稍緩
則饑軍不可支立法不得不倍嚴矣七月
以後每月解足一分該省但早解一月則

到京不踰本月之限至十月而全額可完
誠不緩不急上下兩便之道也容臣於循
環簿首分定限次令該省自行填報稽查
完欠分數卽以其自填者爲準分別叅處
夫復何辭至如河南山東山西等處每以
上半年全完一年之局止俟起解完日特
爲題旌將布政司官破格優擢是亦鼓舞
人心之一端也伏候

申飭

一曰均功罪以別勸懲

前件看得各省布政司兩直各府爲錢糧所自出而功罪漫不及之職掌雖在事中共利害向在身外固宜其痛癢不相關也今如餉臣議爲共功罪之說倘遇提敘之日於各布政司及直隸各府中查其完解獨先者特加優擢倘月餉不繼致生他變於各布政司及直隸各府中查其逋欠獨多者特加究處庶司府亦知利害切身之藎

督催自力起解自速而餉無不繼之虞矣
伏候

申飭

一曰禁借留以清餉額

前件看得遼餉正憂缺額豈容任意借留
邇因陝西兵荒交集勢處倒懸臣部不得
已從其允留二十萬之議已於舊餉事例
鹽課內照數扣還此外一切借留應請

旨嚴行禁止若遼東舊餉五十二萬有奇除撫賞用

銀一十一萬六千六十二兩五錢又據
月糧用銀二千五百餘兩外臣已題定召
買本色准動京邊二十萬爲額復坐定項
款行各有司遵守當不致損於二十萬之
中至去年宜大借用新庫銀八萬五千兩
查得元年召買以預計內曾有夾河兩岸
改納本色之議恐本年動用京邊溢於二
十萬之外容臣查明盡准抵兌以作還新
庫之數倘數一未足姑俟舊餉充裕之日

徐議補還若此時向太倉庫中索取則蕭然如洗萬萬有所不能也伏候

申飭

一曰催奏解以覈雜項

前件看得雜項各款已經臣部題

准行省直認定額數自行回

奏屢次行催臣復於具覆戶科都給事中解學龍
奉

旨恭奏疏中將各省布政司掌印官并各屬知府住

俸勅令同雜項完欠一起回

奏夏季終不報者聽科臣叅奏降處法在必行諒
無復敢遲延者矣其已經

奏報者除廣西省雜項認額以及完欠之數俱已
明晰外如山西省完欠之數雖報而認定
額數尚未有冊鳳陽撫屬雖認額冊內已
有完欠數目然於科臣汪如亨因變陳言
一疏覆奏未明不便註銷前件以上二省
雖免住俸仍應令補奏明白以歸畫一

也河南省

奏報完欠與認定額數在未經參奏之先該布政司官應與前奏到三處同免住俸至於奏冊內有完欠混淆額數未確者容臣徑行駁查改正不敢瑣瑣擅竇

天聽倘呼之不應方敢移會餉臣指名彙參至於新認額數臣恐

奏報參差不便上陳

御覽特爲刊式頒行而省直顛倒任意竟不照管輟

長難及往返費時所當申飭如式以免累
駁者也此外如鈔關稅銀凡遇各司差滿
之日臣部照完欠據實查奏不許朦朧考
覈又如撫按公費已奉

明旨申飭嚴催并督撫軍餉不准量減遵行去後止
有兩淮鹽院解到公費銀三千兩真順巡
撫解到公費銀二千兩大名等府解到河
道銀一萬二千九百兩應天巡按解到公
費銀一千六百六十六兩六錢又節省銀

一百五十兩長蘆鹽院解到公費銀三千
兩陝西茶院解到裒括助餉銀三千一十
八兩七錢七分河南巡按解到公費銀四
千兩其餘撫按竝無分文解部所當一併
行催速解如額以應急需者也伏候

申飭

一曰覈遺欸以接缺額

前件看得雜支公費臣已于雜項欸中申
言之而州縣竟無以應況今夫馬裁革供

應亦省何難那其有餘解充新餉合如餉
臣議行各撫按督各府推官查報并入雜
項冊中徑自奏

聞不論多寡亦須另款登荅毋得含糊遺漏又南京
太僕寺牧馬場地有場租銀兩前偶借解
助工今工竣應補還餉額南京事例原議
留南一年今年應解充新餉臣已先後移
文催解又萊州衛指揮楚邦禎疏開故絕
名糧倘處處設法清查儘有實用新奉

明旨部科會議俟議妥具

奏此外尚有雜項之已行而未經移會餉臣者如
蘆課充餉銀兩除助工并解過外舊額尚
欠五萬七千八百八十兩元年應解二萬
八千九百七十兩又贛州府上下水橋稅
題

准解京濟遼去歲該撫洪瞻祖報額一萬八千兩以
該省有官兵安家行糧之用請暫留一年
原奉

欽依元年以後盡數起解爲遼餉之用應并行作
催解一涓一滴皆可以奏遼餉之缺額者
也伏候 申飭

崇禎二年四月二十五日具

題本月二十八日奉

聖旨這新餉申飭六款俱依議行軍士待哺難緩地
方官再有違慢認額不報及借名那留拖欠最甚
的你部及督餉御史不必待類叅之期提出特叅
處治該部知道欽此

題覆禁止私鑄私販疏

題爲利權下操公私俱病懇乞

聖明嚴法禁疏壅滯以便民用以重利權事專理新
餉山東清吏司案呈本年四月二十五日奉本
部送戶科抄出督理京省錢法右侍郎曹珍題
前事等因本年四月二十二日奉

聖旨私鑄私販屢禁不止該城亦未見緝拿好生違
玩着再行嚴飭外販捉獲根究私鑄從來按律正
罪其立限揀毀及陝西四省停鑄該部再議具覆

欽此案查先該署督理錢法左侍郎李成名題爲
遵例恭報任內鼓鑄本息以備銷筭事奉

聖旨這銷筭鼓鑄本息知道了振飭事宜着新任督
理曹珍悉心講究利權本自上操舊制只兩京鑄
錢嗣因軍興煩費遼東宣大奏請權宜近乃紛紛
開鑄致私錢殺雜反自外來紊制病國大非法紀
着查出通行禁止該部知道欽此欽遵通抄到部
送司案呈到部該臣等看得私鑄銅錢律有明

禁關係

國家制典不獨以利言也卽以利言使民間敢與
天朝爭生息已屬非法況私鑄竄官鑄以行而陰蝕
官鑄之利此風何可長也督臣曹珍受事伊始
毅然釐剔蒙

皇上留神范台切責司城且以外販捉獲直欲根究
從來

天言震悚從此奸民股慄泉貨流通矣據督臣疏稱
立限揀毀蓋緣兌換銀錢之人所收私鑄私販
明係知情不畏

明法查律有所謂知情買使者減一等條例有所謂
販賣行使者俱問罪于本地方枷號一個月發
落此律此例正爲此輩設也若嚴于私鑄而不
申明知情買使販賣行使之法則私錢之疏通
有路卽私鑄仍在愚民惟利是嗜不知律例森
嚴故勒令其揀汰所收私錢以尊官錢也又臣
部寶泉局從來皆買民間舊錢銅搭配銅鉛入
爐鼓鑄今民間私錢既不許行收藏必多令以
本等價值准作舊錢銅聽其鬻賣卽不願賣亦

宜聽之而特禁其行使蓋明收利權於上卽以
陰消私錢於下此於行法之中猶寓便民之意
且又係寶泉局搭配入爐見行之事甚便計也
若夫各省鼓鑄臣仰遵通行禁止之

旨查宣大遼東二鎮該督師王象乾袁崇煥題奉
明旨權宜鼓鑄以佐軍需無容議矣至若開鑄省分
止有陝西湖廣雲南四川四省臣思此四省或
係銅斤出產地方或上下通行稱便不敢遽

請禁止合候

命下移咨四省撫臣如開鑄未便奏

請停止如上下通行仍舊開鑄臣不敢以一人之見
衡之除臣部仰遵

明旨出示通衢令五城兵馬司督同番役務在緝獲
真正私鑄私販之徒依律正罪并申明知情買
使販賣之禁一體遵行若該司番役因而嚇詐
誣罔平民使

朝廷一番申飭至意反令商民阻滯別生事端聽督
臣指名叅處恭候

命下臣部遵奉施行

崇禎二年閏四月初二日具

題本月初六日奉

聖旨是欽此

題叅書辦周之文詳加鞠訊疏

題爲敬因臺臣條奏查確承行書役以備法訊以
免漏網事竊理新餉山東清吏司案呈臣接邸
報見江西道饒御史有足餉幾無上策一疏內
稱邊廷之額解硝黃常問也臣久聞其協濟硝
黃等物銀兩自天啓三年起至七年止每年發
十四萬書役亦每年扣去使費常例銀二萬餘
兩今聞改作協濟九萬矣據此一項領時已如
此花銷則傾後又不知如何乾沒所謂有名無

實者此類是矣等因臣思硝黃屬工部職掌與本部無干止分餉一節則本部從加派中分與工部者也饒御史疏中敘及天啓七年止發十四萬崇禎元年改爲九萬增減數目確與分餉數目相符臣於是細簡卷案查累年承行分餉書辦姓名俱屬書辦周之文一人旣深狡宥難免染指萬一聞風而逃深屬未便合應先行呈

請監禁候

旨等因案呈到部除將書辦周之文押送中城兵馬

司監禁外該臣等看得硝黃一事召商發價稽查銷筭皆工部爲政臣部不得越俎而問也惟分餉銀兩屬之臣部今臺臣饒京以足餉苦心爲覈實要論敘及協濟等銀有書役使費常例之弊若輩居恒則工于漁利事發則迅於遁身法網森然曷容輕漏此該司所爲亟得其人請置之犴狴也至於臣部每年允發數目工部每年支領員役亦有可按冊而披陳者除天啓五年以前分餉銀兩歸併臣部歷疏甚詳不敢復

贅外至天啓六七兩年題奉

欽依每年各發十四萬以天啓六年言之一借發老庫銀四萬兩一撥山東加派銀五萬兩徑解工部一次鮑大琳領一萬一千二百兩一次王學讓領二萬三百二十兩四次馬文康共領一萬八千四百八十兩此六年給發十四萬之數也以天啓七年言之一借發老庫銀六萬兩一次涂文輔自發商人邵元領毛帥硝黃銀五千二百兩一次涂文輔自發舖戶羅以誠領鉄價銀

六千八十兩一次涂文輔自發商人邵元傾錫
黃銀一萬四千兩一次馬文康領五千兩四次
胡成共領二萬九千七百二十兩一次蔡奉王
朝領二萬兩此七年給發十四萬之數也他置
勿論卽如涂璫把持庫藏三起共發過新庫銀
二萬五千有奇經自給發官商而後補知會於
臣部此等光景梟獍可以窺

國帑而取之如寄狐鼠何難互表裏而緣之爲奸
書胥等役巧立名色朋比侵漁當有不可窮詰

者矣至於崇禎元年家

皇上俯念臣部之乏減分餉爲九萬原坐派河南
萬兩山西二萬兩陝西二萬兩江西三萬兩臣
恐其出入滋弊每以各省解到銀兩兌發中尚
有江西分餉三萬未解臣卽於該省解官董加
善解到新餉銀內撥三萬以益之竊謂隨到隨
發因物付物或可杜奸弊於萬一然積習如周
之文輩伎倆慣熟變詐多端骹法射利每出情
理之外尚不知能稍去其太甚否耳事干錢糧

自當直窮到底難容草草伏乞

勅下法司將書辦周之文同原領銀官商面相對質
詳加鞫訊并查七年分涂文輔徑發銀兩有無
着落務使賊真罪確允伏厥辜庶臺臣剔蠹之
意伸積歲侵漁之弊革矣此後工部分餉銀兩
更祈

天語申飭各省遵照坐定數目另文徑解工部不得
與解到臣部銀兩合批致滋他弊庶爲清楚
無任悚息待

命之至

崇禎二年閏四月初六日具

題本月十三日奉

聖旨覽奏允發工部增減銀數甚悉周之文已有旨
了以後各省撥派銀照數分批徑解以杜弊端該
衙門知道欽此

題議東江措發新舊餉銀疏

題爲恭報歷海道以規進取會島師以授方畧事
專理新餉山東清吏司案呈接邸報該督師尚
書袁崇煥題前事奉

聖旨覽奏知卿遵諭行邊東師就籌方畧知道了仍
早還鎮具奏東江餉銀着先措發十萬兩宋獻作
速赴任便督解前去該部知道欽此欽遵案呈到
部該臣等看得海外懸軍數載迄無成着將與
督撫且杳不相關兵之虛實何從詰之固宜冒

餉之議騰沸

朝端也今毛文龍躬赴北汛口稟成於督師從此
督撫知有將將實而兵不虛兵實而餉不虛矣
督師請先發月餉十萬遶發東江俾東江將卒
人沾實惠激勵向前誠事之不容已者臣卽創
行新庫將一應錢糧暫爲住支奏得四萬兩付
新設餉司郎中宋獻行矣第目下正屬青黃不
接之時臣手不停批催檄如雨各省直欠餉或
應陸續解到而關門內外薊密永津處處皆需

接濟

明旨所謂先措發十萬恐未能咄嗟辦也查得崇禎元年東江額餉尚欠六萬有奇據山東撫臣移咨于今春始發合之新發之四萬今歲亦已有十萬實到東江矣至于海運本色除去年多發過七萬七千六百四十九石客冬率阻守凍今春方始開幫俱低作二年額數外臣已行山東取鮮運腳價催天津速速開洋如督師所謂覺華會哨于東江往返甚速則一葦所如可計日

而果島兵之腹矣倘督師與文龍訂期稍緩
當儘外解所入那湊續解以副督師遙發之望
若或訂期不可待則北汎之行無妨于先往賂
輓之計臣部自不敢後時也恐督師必待餉到
啓行而臣部未能一時取盈反滯訂期之舉不
得不以今歲解島之數與目下措處之艱備悉
入

告仰候

聖裁且此時東江亦不必憂餉也前此猶曰牽制

虛今日業已併力西向每年額定餉數自應與
關鎮月餉一體解運陸續接濟督師謂東西合
力則蕩平之功刻期可奏臣部安得不視東江
猶關寧也而妄分緩急耶又查得東江兵餉從
崇禎元年起遵照題定新額解發天啓七年以
前人猶以中多冒濫噴有贖言乃該鎮復差官
蔡承勲請清筭舊帳朱良佐請補領南北官俸
糧衆論主裁新而該鎮言補舊義所不敢出也
臣皆劄令歸去前于具覆策画東江事宜疏末

已畧言之矣昨本月初八日有東江原差官朱良佐向臣部投遞一呈內稱天啓七年分任過遼官俸銀一萬六千兩南官俸銀找支一萬一千二百餘兩并京庫欠給餉銀一萬兩乞作速查發以甦士命以鼓士氣等語臣見呈而始知良佐尚未回島也夫以九邊之重積欠兵餉百萬之多且不能找補舊欠而東江必欲一一籌補能乎不能乎差官棲遲京邸麾之不去揚言請托期於必得况此時在

廷諸臣無不留意封疆萬一有所風聞不及察其
是新是舊而責備臣部以不應東江臣方干事
後置辯不已晚乎正以既往爲濫而復允其找
是益之濫也正苦時勢之窘而復舊是問是導
之窘也總之新定之額臣不敢少找欠之例臣
不敢開不得不再斬絕申明以杜其非望之求
也伏乞

勅下臣部移咨督師并劄東江及新設餉司一體遵
守施行

崇禎二年閏四月十五日具

題本月十八日奉

聖旨覽奏發去東江餉數知道了督師先往行邊餘
着陸續奏發島兵已經裁定發餉務照新額不必
議找舊欠

題請奸書周之文再勅法司鞠訊疏

題爲奸書侵扣已見端倪連年積蠹應窮顛末懇
乞

天威再勅法司徹底鞠訊以彰釐剔事專理新餉山
東清吏司案呈先該臣具題爲敬因臺臣條奏
查確承行書役以備法訊以免漏網事奉

聖旨覽奏允發工部增減銀數甚悉周之文已有旨
了以後各省撥派部銀照數分批徑解以杜弊端
該衙門知道欽此又該江西道監察御史饒京奏

爲遵

旨指名具奏事等因奉

聖旨周之文已有旨了扣除等弊着嚴查禁革該部知道欽此欽遵抄出到部送司該本司查得江西道饒御史所叅硝黃一項書役侵扣數目甚多今據東廠太監王永祚題爲訪據一疏抄傳邸報者不過王朝一事侵尅四百兩一項耳若卽以此結局脫免爲倖城狐盆彰非所以懲旣往而儆將來也伏乞覆加題叅追贓正法等因案

呈到部該臣等看得財用至今日而匱極矣不虞羣奸之耗蝕成風也臣初受度支事每見工部分餉銀兩復入臣部往返藤葛隨與該司商議不如查照原題坐定地方徑交工部爲便屢行各省三令五申乃各省解工部分餉銀每與臣部加派銀合批起解遂不能強解官分庫秤兌臣再四籌量惟有查照原坐省分以與之使兌放直截展轉無從雖入新庫猶之未入庫也且劄庫則憑工部堂咨庫發則憑工司印領多

寡分派工部主之與臣部毫無干涉竊謂分發
明白而事畢矣乃臣部書役周之文者亦得竈
入其內而瓜分焉固意想所不到也天啓六七
兩年允發銀兩已悉前疏不敢再贅謹以崇禎
元年九萬之數逐項剖陳查得分餉銀兩原坐
派陝西二萬兩一次陝西解官陳方壁解到一
萬一千六百三十兩一錢六分四釐一次陝西
解官閻繼善解到六千八百二兩四錢六分六
釐一次陝西解官王政行解到一千五百六十

七兩三錢七分臣卽劄發原銀以與之領銀者
工部差官吳宋馬文康也原坐派山西二萬兩
一次山西差官丘如泰解到二萬兩臣卽劄發
原銀以與之領銀者工部差官許應選領抵

內府靴料也原坐派河南二萬兩一次河南差官
林毓桂解到二萬兩正值開寧兵譟之時前官
暫借充餉臣到任後隨卽劄庫將別省解到加
派銀內照數撥還領銀者工部差官馬文康袁
弘學也原坐派江西三萬兩尚未解到臣借撥

江西解官董嘉善解到加派銀三萬兩以與

領銀者工部差官馬文康全君澤袁弘學杜應
元羅以誠也臣前疏所云隨到隨發因物付物
者何嘗有絲毫不直截而之文乃乘以爲利耶
且之文止管文移咨劄并不經手錢糧不知巧
立何名遂爾拾金如芥卽據東廠訪據一事之
文得王朝銀四百兩及查新庫領銀原案又無
王朝姓名神出鬼沒莫可窮詰夫元年分餉止
九萬耳又臣照坐派地方劄發絕無游移者也

王朝一事之文已得銀四百兩況六七兩年之
二十八萬爲數頗多且屬法紀混淆狐鼠縱橫
之日其所得當不啻億莖矣近聞周之文在獄
使其親屬向各衙門書辦各役人等不論有干
無干但係平日睚眦輒藉扳賊勒索若然則一
番發覺又是之文一番買賣狠貪虎噬至死不
悛真么膺中之窮奇也伏乞

皇上將臺臣饒京前後叅疏與臣前叅疏一并

勅下法司嚴刑鞫問務將周之文侵尅情節徹底研

究照數追贓依律正罪無令恃侵冒之金錢復
謀漏網逞兼并之故智漫肆株連則

國法伸而漏卮盡塞情罪確而羣奸落膽矣至周
之文得王朝銀四百兩扳扯多人并無名姓并
祈

勅下法司研審的是何人按名行拘面與之文對質
務令無枉無縱各當其辜庶不至以捉風捕影
之詞爲展轉嚇詐之計也臣無任悚息激切之
至

崇禎二年閏四月二十二日具

題本月二十六日奉

聖旨周之文着法司嚴鞫并究天啓六七年侵扣情
弊追贓正罪其扳贓着并訊的名質對務究着落
勿致枉縱欽此

題覆巡青查叅涵兌雜糧疏

題爲錢糧額設有限有司擅那非宜謹遵

旨糾叅乞

嚴勅補還以濟急需以肅法紀事專理新餉山東清
吏司案呈崇禎二年二月十三日奉本部送戶
科抄出保定巡撫解經傳題前事等因本年二
月初十日奉

聖旨這遼糧及兵餉買兌動支京糧既有部劄着查
明開除其該部撥補并買今年遼糧應動何項并

着確議來說買價一依時估勿重民累欽此又竊
直隸巡按御史寧光先題同前事奉

聖旨已有旨了該部知道欽此又該太僕寺添註卿
韓策題爲買運價不時給小民苦累堪憐懇乞
聖明早定省便之規以裕

國計以蘇災疲事本年四月初三日奉

聖旨畿輔根本民窮可念這奏買運米豆動支本處
見徵錢糧着卽與議覆有司扣剋等弊撫按官該
的叅來重處該部知道欽此欽遵抄出到部送司

案查先該本部福建司呈稱該督理巡青給事中劉漢儒等題爲前事內叅廣大二府濶兌京糧等因奉

聖旨京糧係青差急需這廣大兩府如何不行知會濶兌邊餉盧象昇劉弘宇各罰俸三個月仍將該年應解錢糧照數補還其已解過的着移文該部另行銷算該部知道欽此欽遵呈奉堂批罰俸移咨吏部并撫按知會其借動買豆錢糧移付新餉司妥議行奉此移付過司安呈到部該臣等

看得遼東本色取辦於

畿輔以地近而輸便也糴買價值用遼餉雜項不足則動用京邊以太倉原有遼東京運舊額銀五十二萬有奇可抵兌也此例相沿有年法未畫一職新職舊兩在相持使在外銷筭掣肘郡邑苦之久矣前臣具通查遼左缺餉之因一疏奉

旨詢及遼東向日舊餉何在臣已於覆疏中詳言之恐其數目不定仍致紛更也於是有每年召買

動用京邊定以二十萬爲額之議恐其隔手銷
筭耽延守候也於是有買完之後卽於新餉司
銷筭掣批之議恐其事經已往牽扯葛藤也於
是有崇禎元年以前凡經買完槩准掣批銷筭
之議而未料其動及京糧也京糧爲內外倉場
之用歲有定額隸在巡青衙門各有職掌固宜
科臣劉漢儒以擅那糾叅耳科臣疏稱大名府
歲派青銀一萬八千一百二十八兩五錢五分
有奇廣平府歲派青銀一萬一千三十二兩一

分有奇天啓七年俱分毫未解盡移允臣部
備查大名府七年京糧銀據該府申文允抵易
鎮邊餉用京糧銀五千七百三十五兩六錢四
分已該邊餉司查明應于太倉庫舊餉補還惟
七年分買豆用京糧銀九千七百五十六兩六
錢七分六釐應于新餉銀庫撥補該府申文又
開有中府外場草剩銀一千一百四十兩候另
文起解據此三項共計京糧銀一萬六千六百
三十二兩三錢一分六釐此外尚少京糧一千

四百九十六兩二錢三分四釐則有七年買草
多開脚價銀二千五百兩見在補解聽該府于
此項內照數補還京糧可也廣平府巡青查參
原疏止稱移兌七年京糧一萬一千三十二兩
一分覆查果係改納本色借用不獨七年并用
過元年京糧一萬一千一百三十三兩八錢七
分矣又順德府報元年買米不敷那用京糧光
祿項下銀一萬二千四百四十五兩七錢一分
二釐巡青原疏雖未敘及然與大名廣平事同

一體臣已創新庫照數補還至于崇禎二年
買動支京邊已經題

准二十萬爲額仍恐項欸不確又致悞動京糧業已
行福建司會同新舊兩司查坐太倉項欸明示
州縣以爲召買之具倘州縣所應解之銀數未
必果與應買之米豆多寡相符則聽津部移會
各該撫于本屬內挹彼注茲通融撥用倘二十
萬金不敷米豆價數各該有司一面權那庫銀
糴買應急一面扣定缺額確數申明該撫總報

臣部以便劄行新庫撥發免其混行抵兌難于
開銷庶在外有所遵守轉輸亦爲迅速矣然臣
于此猶有說焉兌支銷筭已行數年如元年夾
河兩岸改納本色一項所借動之京糧雖屬七
年應解之數而米則係元年解遼之額事經臣
手勉強清楚不得不亟爲補還倘前此召買米
豆尚有借動京糧及邊鎮銀兩者聞風而前禁
皆責償一時則前人遙相含怨而苟延臣反以
徹底清查而責備是自增一苦也卽不敢云一

槩抹殺亦應暫免措補以俟臣部新舊兩庫與
日充裕圖之可耳至于撫臣解經傳以派買米
豆包賠議請悉照時估寺臣韓策以買運價
時給與留見徵銀兩與臣部坐派太倉項欸之
意正相符合均之軫恤元元而爲

畿輔根本之慮也且奉有勿重民累之

旨敢弗恪遵第查畿南告困臣已先減派米豆一十
八萬六千有奇繼因該撫有畿南疊罹異常災
稔一疏臣又爲之減去額米四萬石且於豆價

內每石加銀五分若更張再三必致觀望悞事
此端萬不敢開或俟預計三年糧料時再爲設
法調停可也至於不肖有司扣剋官銀以充私
囊而又妄報節省以希文飾如問臣所言未必
無之此在撫按自有鑒別當以白簡從事不待
臣言之盡矣伏乞

勅下臣部備查召買地方凡係元年分借動京糧客
臣部陸續補還其元年以前間有借款槩准銷
筭始俟新舊兩庫日後充裕再議補還二年召

買除動支雜項外遵照臣部坐定太倉銀三萬
萬欸項動用不足者赴部請補價值多寡應聽
臣部原題不得觀望悞事至廣平府知府劉弘
宇大名府知府盧象昇事起召買那借應急因
公受過情實可原并乞

天恩俯鑒將罰過俸糧准照實歷通理庶有司不苦
於兩難而遼糧得借以共濟矣臣等不勝悚息
待

命之至

崇禎二年閏四月二十六日具

題本月二十九日奉

聖旨這遼糧召買銀兩補借定款及罰俸府官開復
俱如議行欽此

題覆關門預儲本色糧料疏

題爲謹陳遼左情形仰祈

聖明勅部接濟以壯恢復事專理新餉山東清吏司
案呈崇禎二年四月二十二日奉本部送戶科
抄出薊遼總督喻安性題前事等因本年四月
十九日奉

聖旨馬匹器甲已有屢旨預儲本色糧料戶兵二部
熟議具奏欽此又奉本部送戶科抄出督理遼餉
天津部院崔爾進題爲恭報津發頭運糧料數

自起行日期以慰

聖懷事本年四月二十一日奉

聖旨關糧頭運蚤發各官協力急公准廬兩運司分
派水脚銀兩何得延緩着各巡鹽御史速行催解
再遲參處該部知道欽此又該督餉御史錢士貴
題同前事本年四月二十二日奉

聖旨已有旨了該部知道欽此欽遵通抄到部送司
除馬匹器甲等項聽兵工二部議覆兩淮兌解
運價已解天津長蘆銀兩移文催取外預備本

色糧料一節相應具覆奏呈到部該臣等看得
軍需最重無如本色倘芻粟交匱雖白蠟山積
無當於緩急之數也故臣部於今歲應用之糧
料預計於去冬之十月其米則派運於江浙湖
廣南北兩直不遠百千里綱輪而至其豆則召
買於山東畿南等府十百州縣輦載而來所派
之數較督師新定經制尚有餘裕猶恐發運愆
期復爲權宜借凍截漕之舉至冬春合用草束
已先期發銀附關派買又天啓七年八月內臣

部於奴兵屢挫一疏題留米十萬石買豆太萬
石分貯關寧以爲行守糧之用內開非兵臨城
下軍奉調遣不得擅用是臣部之爲本色計已
不遺餘力矣及查崇禎二年督餉部臣崔爾進
督餉御史錢士貴恭報津發頭運糧料之數陸
續通發過關內外米豆共四十萬五千九百二
十八石從來頭運未有如今歲之迅速者則督
餉部臣與督餉臺臣爲本年本色計又已不遺
餘力矣今督臣喻安性以關寧壁壘改觀欲乘

時進取師行糧從須廣爲儲蓄誠根本之至計
恢復之遠圖也第本色一事苦累萬端市糴露
囤陸輸水輓不知經幾拮据目下保定河南尚
嘒嘒請蠲未已若於預計之外再事儲蓄萬萬
有所不能且聞關寧本色年前積弊多端包攬
折乾無所不至近經督師綜覈自是漸就清楚
第此中事務頗繁釐剔匪易仍分任於小委則
多一人便多一寶未免頭緒之紛紜擬交允於
將官則固有賢亦有不肖難必侵漁之盡革是

在督師與各該餉司細加商確擇官管理設法
收放務使粒粒米珠盡入三軍之腹此又不必
儲蓄而自無匱絀之長策也既各具題前來相
應覆

請恭候

命下臣部移文各該衙門遵奉施行

崇禎二年閏四月二十七日具

題五月初一日奉

聖旨是欽此